

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM

Зajедничка комисија за људска права

Zajednička komisija za ljudska prava

Zajedničko povjerenstvo za ljudska prava

Broj: 03/6-50-14-12-12/15

Sarajevo, 26.10.2015.

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
S A R A J E V O

PRIMLJENO: 27-10-2015			
Organizaciona jedinica	Klasifikaciona oznaka	Redni broj	Broj priloga
0102-02-1-17/15			

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ

- ПРЕДСТАВНИЧКИ ДОМ

- ДОМ НАРОДА

Na osnovu člana 120. st. (2) i (3) Poslovnika Predstavničkog doma Parlamentarne skupštine BiH („Službeni glasnik BiH“, broj 79/14) i člana 111. st. (2) i (3) Poslovnika Doma naroda Parlamentarne skupštine BiH („Službeni glasnik BiH“, broj 58/14), **Zajednička komisija za ljudska prava** podnosi sljedeći

ИЗВЈЕШТАЈ

o Prijedlogu zakona o strancima

I. Hronologija

Vijeće ministara BiH je na 16. sjednici, održanoj 23.7.2015., utvrdilo Prijedlog zakona o strancima koji je 11.9.2015. dostavilo Parlamentarnoj skupštini Bosne i Hercegovine na razmatranje po osnovnom zakonodavnom postupku.

Kolegij Predstavničkog doma Parlamentarne skupštine BiH na 18. sjednici, održanoj 15.9.2015., i Kolegij Doma naroda Parlamentarne skupštine BiH na 13. sjednici, održanoj 17.9.2015., kao nadležnu za razmatranje predloženog zakona odredili su Zajedničku komisiju za ljudska prava, (u daljnjem tekstu: Zajednička komisija).

II. Rasprava i odlučivanje u prvoj komisijskoj fazi i prvom čitanju u domovima

Ustavnopravna komisija Predstavničkog doma Parlamentarne skupštine BiH razmatrala je Prijedlog zakona o strancima na 18. sjednici, održanoj 5.10.2015., na kojoj je utvrdila da postoji valjan ustavnopravni osnov i da je Prijedlog zakona usklađen sa Ustavom i pravnim sistemom BiH.

Ustavnopravna komisija Doma naroda Parlamentarne skupštine BiH razmatrala je Prijedlog zakona o strancima na 8. sjednici, održanoj 29.9.2015., na kojoj je utvrdila da postoji valjan ustavnopravni osnov i da je Prijedlog zakona usklađen sa Ustavom i pravnim sistemom BiH.

Zajednička komisija je na 11. sjednici, održanoj 5.10.2015., razmatrala principe Prijedloga zakona o strancima, te je nakon rasprave jednoglasno prihvatila principe Prijedloga zakona o strancima.

Predstavnički dom je na 18. sjednici, održanoj 7.10.2015., razmatrao i usvojio Prijedlog zakona u prvom čitanju, a Dom naroda je na 10. sjednici, održanoj 14.10.2015., razmatrao i usvojio Prijedlog zakona u prvom čitanju.

III. Rasprava i odlučivanje u drugoj komisijskoj fazi

Zajednička komisija je, u svojstvu nadležne komisije, na 12. sjednici, održanoj 26.10.2015., razmatrala Prijedlog zakona u drugoj fazi.

Konstatirano je da je na Prijedlog zakona, u roku utvrđenom poslovnici, sedam amandmana uložio poslanik Safer Demirović, tri amandmana poslanica Maja Gasal-Vražalica i jedan amandman poslanik Borislav Bojić.

Zajednička komisija nije razmatrala Amandman I. poslanika Safera Demirovića, jer nije ispunjavao uslove amandmanske forme.

Nakon provedene rasprave o predloženim amandmanima, Zajednička komisija usvojila je:

Amandman I:

U Prijedlogu zakona o strancima član 50. stav (2) mijenja se i glasi:

„(2) Privremeni boravak iz stava (1) ovog člana, na zahtjev stranca koji dolazi u BiH radi spajanja porodice, može se odobriti uz uslove iz člana 49. (Opći uslovi za odobrenje privremenog boravka) ovog zakona, ako:

- a) državljanin BiH, stranac s odobrenim boravkom u BiH ili stranac s priznatim izbjegličkim statusom ima osiguran smještaj za sebe i članove porodice za koje traži odobrenje boravka po osnovu spajanja porodice, te da ima stalni izvor prihoda, odnosno da raspolaže dovoljnim sredstvima za izdržavanje u BiH lica za koja se traži spajanje porodice i
- b) državljanin BiH, stranac s odobrenim boravkom u BiH ili stranac s priznatim izbjegličkim statusom ima zdravstveno osiguranje za sebe i članove porodice za koje traži odobrenje boravka po osnovu spajanja porodice.“

Amandman II.

U Prijedlogu zakona o strancima član 122. stav (4) mijenja se i glasi:


„(4) Stranac kojem se utvrđuje identitet ili koji nezakonito boravi ili kojem je izrečena mjera protjerivanja iz BiH ili mjera stavljanja pod nadzor ili je u postupku izdavanja potvrde o ostanku dužan je organizacionoj jedinici Službe dati potpis, te biometrijske podatke koji sadrže: fotografiju i otiske deset prstiju. Otisci prstiju ne uzimaju se od djece koja su mlađa od 14 godina.“

Zajednička komisija je, sa sedam glasova „za“ i dva glasa „protiv“, prihvatila Prijedlog zakona o strancima sa usvojenim amandmanima, te Predstavničkom domu i Domu naroda Parlamentarne skupštine Bosne i Hercegovine predlaže njegovo usvajanje.

Na osnovu člana 122. Poslovnika Predstavničkog doma i člana 113. Poslovnika Doma naroda, Zajednička komisija je za izvjestioca na sjednici Predstavničkog doma odredila Borislava Bojića, a za izvjestioca na sjednici Doma naroda Halida Genjca.

Predsjedavajući Zajedničke komisije

Borislav Bojić



Dostavljeno:

- naslovu
- a/a